



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

18 d Lucas Euangelist/ Artzt vnnd Mahler. Justus marterer.

**urn:nbn:de:hbz:466:1-41449**

Austrudis / welche von jugendt an mit wunderbarlicher  
gnad Gottes begabet / auch herrlich in Tugenten vnd  
Wunderzaichen zu Christo gefahren.

Item des heyligen Aristonis / von welchem am  
22. tag Hornungs.

Item des heiligen Marterers Prinaei / welcher ein  
Kriegsmann / vnnnd voller Geschwâr war / ist aber von  
Anno Dñi dem H. Pappi Calixto (von welchem am 14. tag dis Mo-  
nats) gehailet vnnnd getaufft / auch vmb Christi willen  
mit Bleystecken zutod geschlagen worden.

Item des heiligen Beichtigers Meynardi.

Item die erhebung der heyligen Wittin Christi  
Marthe / von welcher am 29. tag Heymonats.

Item des heiligen Marterers Andree / der vnder  
dem wütigen Kaiser Constantino / die Marter vber-  
standen / dieweil er von dem Catholischen Glauben  
nit weichen wolt / vnd frey bekennet / das man die liebe  
Bildnuß der Heyligen / nach Kirchenbrauch ehren solt /  
wie Simeon Metaphrastes bezeuget.

Item in Engeland / die erhebung der heyligen  
Junctfrawen Edeltrudis / von welcher am 23. Tag  
Brachmonats.

d xv. Calend. Nouembris.

Der XVII. Tag im Weinmonat.

**G**ut ist der Geburtstag des heyligen hochwüt-  
digen Euangelistens vnd Canslers Jesu Chri-  
sti Luce / welcher von Antiochia auß Syrien ge-  
boren / vnd der Apostel Jünger / ja auch ein Arzt vnnnd  
Mahler war / ist ein Junckfraw mit dem Leib vnnnd  
Gemüß

Gemüth bliben / hat sein Euangelium inn Achaia geschrieben / S. Paulus meldet von ihm / als seinem geliebten Geseht vnd Mitegesellen : hat nit allein beschriben / sondern auch mit seinen eignen Augen gesehen / der Aposteln Geschichten. Als er 83. jar alt war / ist er voll des heyligen Geists / vnd vnuerheyrat in Bithinia gestorben / welches haylige bainer im 20. jar Constantis gen Constantinopel gefürt worden / sollen jetzt zu Padua sein.

Coloss. 4.

Anno Dñi  
360.

Item des heiligen Asclepiadis Bischoffs zu Antiochien / welcher einer auß der fürrestlichen Zahl der Christlichen Bekenner war / so vnder dem Wütrichen Tyrannen Decio herlich vmb Christi willen gelidten haben / dann durch enthauptung ist er mit der marter gekrönt worden.

Anno Dñi  
253.

Item zu Rom der heiligen Triphonie / des Tyrannischen Kayfers Decis Haußfraw. Als sie ihren Mann von wegen der gewlichen Tyranny wider die Christen geübet / sonderlich nach vmbbringung Sanct Sixti / Laurentis vnd Hippoliti / von Gott gestrafft / vnd vom Teufel besessen sahe / hat sie alle gefangene ledig gelassen / vnd sampt ihrer Tochter Cyrilla von dem Priester Justino den Tauff empfangen / auch an dem folgenden tag mit gebett vnd wainen iren Geist auffgeben / vnd ist zu S. Hippolito in die Krufft begraben worden.

Item inn Beluacenser Landschaft des H. marteners Justus oder Justini. Diser neunjärlig Knab / von edlem Geschlecht geboren / war Gott vnd der andacht ergeben / het ein Prophetischen Geist / ist von den Heyden enthaupt worden / leuchtet bis auff den heutigen tag mit wunderzeichen.

Anno Dñi  
280.

Item

October

Item in Massonia des H. Märterers Mononis/der  
aus Ermahnung des Engels aus Schotland gen Ardena  
na zog/ vnd daselbst lange zeit der welt gestorben/ Gott  
allein dienete. Ist aber von den Mördern durchstochen/  
vnd selig gestorben/ vnd in der Kirchen/ so er selbst ge-  
bawen/ begraben worden.

Item zu Andegauis des H. Abts Herblandi.

Item zu Mecheln die Erhebung des H. Bischoffs  
vnd Märterers Rumoldi/ von welchem weiter oben am  
I. tag Hermonats.

e xiiij. Calendas Nouembris.

Der XIX. tag im Weinmonat.

**A**lexandria der Hauptstatt inn Egypten / ist  
heut der Geburtstag der heyligen Märterer Pro-  
pheeten vnd Lucij/ vnder welchen der erst vnder An-  
tonino Pio lange zeit im gefengnuß gepeinigt/ endlich  
aber als er von Christi vbertrefflichkeit mit öffentlicher  
bekennnuß bezeuget/ ist er von dem Gottlosen Richter  
Verbicio enthauptet worden. Als aber der ander mit  
Namen Lucius / sich auch ein Christen öffentlich be-  
kennet / hat er gleichen Sentens des Todes empfangen.  
Mit disen zweyen ist noch ein anderer / welcher sich  
auch öffentlich ein Christen bekennet / dergleichen ent-  
haupt worden.

Anno Dñi  
1507

Item zu Antiochia in Syria/ der H. Märterer Be-  
ronici/ Pelagie/ vnd anderer 49.

Anno Dñi  
1582

Item zu Senonis der heyligen Märterer Potenti-  
tiani/ Sauniani/ Altini/ vnd Totaldi. Dese drey ers-  
ten waren Bischoffe auß den 72. Jüngern Christi er-  
wählt/